

Ауылдық кредит серіктестіктері жүйесі арқылы ауыл шаруашылығы өндірісіне кредит беру ережесін бекіту туралы

Қазақстан Республикасы Үкіметінің 2004 жылғы 26 ақпандағы N 233 қаулысы

"2004 жылға арналған республикалық бюджет туралы" Қазақстан Республикасының 2003 жылғы 5 желтоқсандағы Заңына сәйкес Қазақстан Республикасының Үкіметі қаулы етеді:

1. Қоса беріліп отырған Ауылдық кредит серіктестіктері жүйесі арқылы ауыл шаруашылығы өндірісіне кредит беру ережесі бекітілсін.

2. Осы қаулы қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

Премьер-Министрі

Қ а з а қ с т а н Р е с п у б л и к а с ы Ү к і м е т і н і ң

2 0 0 4 ж ы л ғ ы 2 6 а қ п а н д а ғ ы

N 233 қаулысымен бекітілген

Ауылдық-кредит серіктестіктері жүйесі арқылы ауыл шаруашылығы өндірісіне кредит беру ережесі

1. Осы Ереже 2004 жылға арналған республикалық бюджетте 009 "Ауылдық кредит серіктестіктері жүйесі арқылы ауыл шаруашылығы өндірісіне кредит беру" бағдарламасы бойынша көзделген қаражат есебінен 2120203000 (екі миллиард бір жүз жиырма миллион екі жүз үш мың) теңге сомасында (бұдан әрі - Қаражат) кредит беру тәртібі мен шарттарын анықтайды. <*>

ЕСКЕРТУ. 1-тармаққа өзгеріс енгізілді - ҚР Үкіметінің 2004.08.02. N 815 қаулысымен .

2. Қаражат заңнамада белгіленген тәртіппен мерзімділік, ақылылық, камтамасыз етілу және қайтарымдылық шарттарында 7 (жеті) жыл мерзімге жылдық 0,5%-ға тең сыйақының тіркелген ставкасы бойынша республикалық бюджеттен бөлінеді.

3. Қаражат ауылдық кредит серіктестіктеріне (бұдан әрі - Серіктестіктер) кредит б е р у ү ш і н б ө л і н е д і .

4. Қаражат бөлу екінші деңгейдегі банкке немесе банктік операциялардың жекелеген түрлерін жүзеге асыруға Қазақстан Республикасы Ұлттық Банкінің лицензиясы бар ұйымға (бұдан әрі - Қарыз алушы) кредит беру жолымен жүргізіледі.

Қарыз алушы Қазақстан Республикасы Үкіметінің 2002 жылғы 25 шілдедегі N 832 қаулысымен бекітілген мемлекеттік бюджет есебінен ұсталатын мемлекеттік мекемелер үшін бюджеттің атқарылуы және есептілік нысандарын жүргізу (мерзімдік және жылдық) жөніндегі қаржылық рәсімдердің ережесіне сәйкес анықталады.

5. Қаражат бөлу үшін Қазақстан Республикасының Қаржы министрлігі (бұдан әрі - Кредитор) Қарыз алушымен және Қазақстан Республикасының Ауыл шаруашылығы министрлігімен (бұдан әрі - Бюджеттік бағдарламаның әкімшісі) бірлесіп, республикалық бюджеттен Қаражат бөлудің және оны осы Ережеге сәйкес қайтарудың тәртібі, Қарыз алушының міндеттемелерін орындауын қамтамасыз етудің тәсілдері мен өзге де шарттар анықталатын қарыз шартын (бұдан әрі - Кредиттік келісім) жасайды. Бұл ретте, Қарыз алушы мен Серіктестіктер арасында жасалған кредиттік шарттар бойынша талап ету құқығын кепілге салу шарттары, сондай-ақ Қаражаттың республикалық бюджетке қайтарымдылығын қамтамасыз ету болып табылуы мүмкін.

6. Қарыз алушы Серіктестіктерге Қазақстан Республикасының заңнамасына және Қарыз алушының ішкі кредит саясатына сәйкес мерзімділік, ақылылық, қамтамасыз етілу және қайтарымдылық шарттарында кредит беруді, сондай-ақ Қаражатты мақсатты пайдалануды және оны республикалық бюджетке уақтылы қайтаруды жүзеге асырады.

7. Бюджеттік бағдарлама әкімшісіне кейіннен Қарыз алушыға беруі үшін республикалық бюджеттен Қаражат бөлу Қазақстан Республикасы Үкіметінің 2002 жылғы 25 шілдедегі N 832 қаулысымен бекітілген Мемлекеттік бюджет есебінен ұсталатын мемлекеттік мекемелер үшін бюджеттің атқарылуы және есептілік нысандарын жүргізу (мерзімдік және жылдық) жөніндегі қаржылық рәсімдердің ережесіне сәйкес жүзеге асырылады.

8. Қарыз алушы Кредиттік келісімдермен анықталған тәртіппен және мерзімдерде Бюджеттік бағдарламаның әкімшісі мен Кредиторға растайтын құжаттардың көшірмелерін қоса бере отырып, бөлінген Қаражаттың пайдаланылуы туралы және түпкі қарыз алушылардан төлемдердің түсуі туралы есептер береді.

9. Кредитор Қаражаттың мақсатты пайдаланылуын және республикалық бюджетке уақтылы және толық қайтарылуын бақылауды жүзеге асырады.